

覽公詩十首起我意何多似藥驅疑疾如茶滌睡魔月當松皎
潔山隔水嵯峨明日如無事天津可再過

自述 二首錄一

何者堪名席上珍都緣當日得師真是知佚我無如老惟喜放
懷長似春得志當爲天下事退居聊作水雲身胸中一點分明
處不負高天不負人

天津樊居蒙諸公共爲成買作詩以謝

重謝諸公爲買園買園城裏占林泉七千來步平流水二十餘
家爭出錢嘉祐卜居終是傲熙甯受券遂能專鳳凰樓下新閑
客道德坊中舊散仙洛浦清風朝滿袖嵩岑皓月夜盈軒接籬

道藏輯要

擊壤集

辛 四星集七

倒載芰荷畔談塵輕搖楊柳邊陌徹銅駝花爛熳堤連金谷草
芊綿青春未老尙可出紅日已高猶自眠洞號長生宜有主窩
名安樂豈無權敢於世上明開眼會向人間別看天盡送光陰
歸酒盞都移造化入詩篇也知此片好田地消得堯夫筆似椽

謝君實端明惠山蔬八品

八品山蔬盡藥萌何山採得各標名山翁驚受霜臺貺卽命山
妻親自烹

和君實端明洛陽看花

洛陽最得中和氣一草一木皆入看飲水也須無限樂况能時
復舉杯盤